

26. I 27. JANUAR 2018.

MEĐUNARODNI FESTIVAL QUEER FILMA

MERLINKA U SARAJEVU

ART KINO KRITERION
OBALA KULINA BANA 2

6/6 VINE CLUB
MULA MUSTAFE BAŠESKIJE 6



ZALJUBI SE ZATVORENIH OČIJU

ULAZ NA SVE PROJEKCIJE SLOBODAN

PETAK

26. JANUAR

PROGRAM FESTIVALA

19:00 H

OTVARANJE 6. MEĐUNARODNOG FESTIVALA QUEER FILMA MERLINKA U SARAJEVU

19:15 H

PROJEKCIJA FILMA "TOM DO FINSKE", DOME KARUKOSKI, FINSKA, 2017, 116'

Film prati Touko Laaksonena, odlikovanog oficira, koji se poslije odbrane domovine u Drugom svjetskom ratu vraća kući samo da bi otkrio kako ni život u miru nije nimalo manje uzbudljiv. Uočava kako u mirnodopskom Helsinkiju buja progon homoseksualaca, kao i pritisak na gej muškarce da se ožene i imaju djecu. Touko pronalazi utočište u svojoj slobodnoj umjetnosti usavršavajući se u homoerotskim ilustracijama nagih muškaraca nespunitih nagona. Njegov rad poznat po čuvenom potpisu „Tom of Finland“ postao je simbol jedne generacije homoseksualaca i podstakao plamen gej revolucije.

21:30 - 22:00 H

PERFORMANS - VULGARNE AKNE: TRAGEDIJA DANAŠNJIH GEJEVA, SLOVENIJA, 20'

Side-projekat Kabarea Tiffany, izvest će performans Tragedija današnjih gejeva. Ovaj izviđački duo će nas povesti na polusatno putovanje kroz queer historiju, književnost, umjetnost, kulturu i zajedničke osjećaje današnje queer zajednice u heteronormativnom svijetu. Njihovi nastupi inspirisani su dadaizmom, nadrealizmom, ritualima, body-artom i bdsm-om.

22:00 - 23:30 H

AKUSTIČNA SVIRKA BY AMRA

Veče zaokružujemo akustičnom svirkom strane pop-rock muzike.

SUBOTA

27. JANUAR

15:00- 16:00 H

PROJEKCIJA KRATKOMETRAŽNOG FILMA "ZEMLJE IZGUBLJENOG SADRŽAJA", ELENA HORN, RUANDA, SRBIJA, VELIKA BRITANIJA, 2017, 45'

U pitanju je dokumentarac o pravoslavnom gej studentu Niku iz Srbije koji se upoznaje sa baletanom koji je preživio genocid u Ruandi. Ishimwa Muhimanyi se poslije mnogo godina vraća u Ruandu da bi, suočavajući se sa fragmentima svojih sjećanja, u razgovorima sa preživjelim članovima svoje porodice istražio uticaj religije na genocid. Nik putuje u Srbiju gdje želi da svojoj porodici otkrije svoju homoseksualnost suočavajući se sa brojnim preprekama na tom putu.

16:00 -18:00 H

LJUBITI I BIVATI, RAZGOVOR SA GOSTIMA I GOŠĆAMA FESTIVALA

Ovogodišnja tema festivala je Zaljubiti se zatvorenih učiju i tim povodom ćemo razgovarati sa našim gostima i gošćama o zaljublivanju, strasti, sreći i patnji, jednom rječju o iskustvima ljubavi, te sa kojim se preprekama suočava naša ljubav u društvu određenom heteronormativnošću.

18:00 - 20:00 H

PROJEKCIJA FILMA "VOĆNJAK KAJSIJA", POURIA HEIDARY OUREH, JERMEIJA, 2017, 80'

Mladić Aram, iranski Jermenin koji je u djetinjstvu napustio otadžbinu kako bi živio u Sjedinjenim Državama sada se, po prvi put, vraća u zavičaj kako bi zaprosio jermensku djevojku sa kojom se upoznao i koja živi u Americi. Na jednodnevnom putovanju Aram vidi mnoštvo kulturoloških, vjerskih i nacionalnih razlika, ali pred njim su još veće prepreke.

20:00 H

PROJEKCIJA FILMA "MIZANDRISTKINJE", BRUCE LA BRUCE, NJEMAČKA, KANADA, 2017, 91'

Mizandristkinje je priča o tajnoj feminističkoj terorističkoj organizaciji koja ima cilj da oslobodi žene, uništi patrijarhat, i uspostavi novi feministički svjetski poredak. Ovu organizaciju vodi Velika Mama koja je upravnica seoskog prihvatilišta za napuštene djevojke koji služi kao fasada iza koje se krije teroristička organizacija. Kada mladi radikalni ljevičar bježeći od policije završi u ovom ženskom uporištu jedna djevojka ga iz sažaljenja sakriva u podrumu ustanove. Njegovo prisustvo narušava ustaljen život i otkriva brojne skrivene tajne. Otkrivamo novi stil lezbejske pornografije kao oruđa u propagandnom ratu, ali i kao svojevrsnu pozivnicu za novu vrstu ženske revolucije.

22:00 - 23:00 H

PERFORMANS - KABARE TIFFANY, SLOVENIJA, 45'

Kabare Tiffany iz Slovenije će izvesti performans koji propituje teme poput spola, body-arta, podzemlja, kulture, seksualnosti, ponavljanja, slaganja, dekonstrukcije i traume. Ovim performansom će biti zatvoren ovogodišnji program u Art kinu Kriterion.

23:30 - 05:00 H

AFTER PARTY BY ZBELETRON

MJESTO ODRŽAVANJA: 6/6 Vine Club, Mula Mustafe Bašeskije 6

Festival zatvara cjelonoćni party za koji su zadužene članice ZbeLeTrona. One su pionirke LGBT clubbinga u Zagrebu i garantuju posebno party iskustvo i nezaboravan provod.